

MIKAMBELO EKA VAFAMBI

Vaofisiri va Khasitomo lava nga entirhweni wa vona va languteriwile ku endla nkambelo wa mindzhwalo, miako, mimovha kumbe swikepe. Leswi swi hi ku ya hi Xiyenge xa 15 lexi vulaka leswaku munhu un'wana na un'wana loyi a ngenaka kumbe a humaka laha Afrika-Dzonga u fanele, hi ndlela leyi Khomixinara a nga kumisisaka ha kona, a tivisa tinhundzu ta yena hinkwato a nga siyi nchumu (ku katsa na tinhundzu ta munhu un'wana) leti a nga ti khoma (ku katsa na ndzhwalo lowu nga na munhu na lowu nga ri ki na munhu) leswi nga:

- Xaviwa kumbe ku kumiwa ematikwenimambe kumbe exikepeni xin'wana na xin'wana lexi xavisaka tinhundzu laha ku nga hakeriwangiki xibalo;
- Cinciwa, ku phurosesiwa kumbe ku lunghisiwa ematikwenimambe;
- Yirisiwa kumbe ku aleriwa kumbe ku lawuriwa ehansi ka nawu wun'wana na wun'wana; kumbe
- Fanela ku tivisiwa va nga si suka laha Afrika-Dzonga tanihileswi swi hlamuseriweke laha hansi

U nga si famba, tinhundzu hinkwato leti u gangisaka ku famba na tona ku hundza emindzilekanini ya Afrika-Dzonga, ku katsa na tinhundzu leti nga:

- Khomiwa ematshan'wini ya munhu un'wana;
- Cinciwa, ku phurosesiwa kumbe ku lunghisiwa ematikwenimambe;
- Yirisiwa kumbe ku aleriwa kumbe ku lawuriwa ehansi ka nawu wun'wana na wun'wana; kumbe
- Tinhundzu leti munhu loyi a ngeneke nkarhinyana laha Afrika-Dzonga a nga lavaka leswaku a ti tivisa loko se a ngenile eAfrika-Dzonga.

Tanihi mufambi, u fanele ku hlamula swivutiso hinkwaswo hi ntalo na hi ntiyiso leswi vutisiweke hi Muofisiri wa Khasitomo naswona loko swi fanerile leswaku muofisiri yaloye a endla tano, a humesa no pfula tinhundzu teto leswaku ti kamberiwa. U fanele ku hakela xibalo lexi hleleriweke hi Muofisiri wa Khasitomo, na loko ku ri na Mulawuri / Mufambisi wa Rhavi.

Muofisiri wa Khasitomo a nga yimisa, ku khoma no kambela nhundzu leyi nga na munhu kumbe leyi nga ri ki na munhu loko a ri ehansi ka ndzawulo wa Khasitomo ku endlela ku kumisisa loko swipimelo swa Nawu wa Khasitomo na Ekisayizi kumbe nawu wun'wana na wun'wana swi landzeleriwele, mayelana na nhundzu yaleyo.

Muofisiri wa Khasitomo eka nkarhi wun'wana na wun'wana, a nga tshova ganju rin'wana na rin'wana leri khomanisiweke na ndzhwalo wa wena loko swikhiya swi nga humesiwi loko swi laveka. Ku hava munhu loyi a nga mfanelo yo kuma ndziriso wa lahleko kumbe onheko wun'wana na wun'wana lowu sukaka eka xiendlo xo tinyiketela xa Muofisiri wa Khasitomo. Muofisiri wa Khasitomo a nga kambela ndzhwalo lowu nga ri ki na munhu laha ku nga na mpfumaleko wa muyimeri wa xifambo kumbe ejente ya yena loko matsalatshala hinkwawo yo twala yo kumisisa mahungundlela ya muyimeri wa xifambo xexo kumbe ejente ya nga humeleli.

Mixupulo

Titilayente ti fanele ti landzelela swipimelo swa Nawu wa nkambelo, naswona loko va tsandzekile ku endla tano, swi tekiwa swi ri nandzu:

- Mixupulo ya swa timali;
- Nchuchiso wa vugevenga; na/kumbe
- Yimiso/nsulo wa ntsariso/layisense/mpasiso.

Ku kuma vuxokoxoko byo tala eka nkambelo wa vafambi, u nga languta eka [Traveller Processing](#).